



Patriotske lige 30, Tel.++387 33 27 84 00; Fax.++387 33 20 01 58; E-mail: gfsa@gf.unsa.ba <http://www.gf.unsa.ba>

ID broj: 4200494560112

PDV broj: 2004944560007

Broj: 04-1-8-54-10/21

Sarajevo, 12.11.2021. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Sl. glasnik BiH", broj: 39/14) i člana 62. Statuta Univerziteta u Sarajevu, na Preporuku Komisije za nabavku broj: 04-1-8-54-9/21 od 09.11.2021. godine, u postupku nabavke: Građevinski radovi na zgradama vezanim za obrazovanje i istraživanje, Dekan Univerzitet u Sarajevu – Građevinski fakultet je donio

ODLUKU

o izboru najpovoljnijeg ponuđača i dodjeli ugovora

I

Prihvata se preporuka Komisije za javne nabavke broj: 04-1-8-54-9/21 od 09.11.2021. godine i ugovor za javnu nabavku radova: Građevinski radovi na zgradama vezanim za obrazovanje i istraživanje, JRJN: 45214000-0, Prema Izmjeni/dopuni plana nabavki Univerziteta u Sarajevu za 2021. godinu broj: 02-26-2/21 od 07.09.2021. godine: Radovi koje provodi Građevinski fakultet, Radovi 4, putem otvorenog postupka dodjeljuje se **ponuđaču KULA MONT d.o.o. Zenica u ukupnoj vrijednosti od 19.950,00 KM bez PDV-a, odnosno 23.341,50 KM sa PDV-om**, prema ponudi evidentiranoj kod ugovornog organa pod brojem: 04-1-8-54-6/21 od 03.11.2021. godine.

II

Izabrani ponuđač dužan je dostaviti dokaze o kvalificiranosti u roku od 5 (pet) od dana zaprimanja ove Odluke u skladu s tačkom 2. Tenderske dokumentacije broj: 04-1-8-54-4/21 od 19.10.2021. godine.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, ova Odluka će se poništiti.

III

Ova Odluka će se objaviti na web stranici Univerzitet u Sarajevu – Građevinski fakultet, www.gf.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6).

IV

Ova Odluka stupa na snagu danom donošenja.

Obrazloženje

Na osnovu Odluke o pokretanju postupka javne nabavke radova broj: 04-1-8-54-1/21 od 30.09.2021. godine, Univerzitet u Sarajevu – Građevinski fakultet je pokrenuo otvoreni postupak javne nabavke radova: Građevinski radovi na zgradama vezanim za obrazovanje i istraživanje, JRJN: 45214000-0, Prema Izmjeni/dopuni plana nabavki Univerziteta u Sarajevu za 2021. godinu broj: 02-26-2/21 od 07.09.2021. godine: Radovi koje provodi Građevinski fakultet, Radovi 4. Procijenjena vrijednost nabavke iznosi 20.000,00 KM bez PDV-a.

Tenderska dokumentacija broj: 04-1-8-54-4/21 od 19.10.2021. godine učinjena je dostupnim svim zainteresovanim ponuđačima na Portalu javnih nabavki BiH, uz Obavještenje o nabavci broj: 29334-1-3-2-3-1/21 od 19.10.2021. godine. Sažetak obavještenja je objavljen u „Službenom glasniku BiH“ broj: 65/2021 od 22.10.2021. godine, pod brojem: S1 29334-1/21.

Krajnji rok za dostavljanje ponuda bio je 08.11.2021. godine do 13:00 sati. Javno otvaranje pristiglih ponuda je zakazano za 08.11.2021. godine s početkom u 13:30 sati.

Za provođenje postupka predmetne nabavke, imenovana je Komisija za javnu nabavku rješenjem dekana o imenovanju broj: 01-2-313/21 od 22.02.2021. godine, dopunom rješenja dekana o imenovanju broj: 01-2-1640/21 od 01.10.2021. godine i odlukom o formiranju komisije broj: 04-1-8-54-2/21 od 06.10.2021. godine, koja je provela proceduru javne nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda (broj: 04-1-8-54-8/21

od 09.11.2021. godine) koje su blagovremeno, do utvrdenog dana, dostavljene od strane ponuđača na adresu Ugovornog organa.

Zapisnik o pregledu i ocjeni ponuda broj: 04-1-8-54-8/21 od 09.11.2021. godine čini sastavni dio ove odluke i u istom je utvrđeno sljedeće:

Komisija je na javnom otvaranju ponuda konstatovala da je svoju ponude predao jedan ponuđač:

1. KULA MONT d.o.o. Zenica, vrijednost ponude bez PDV-a 19.950,00 KM

Komisija je prema članu 65. ZJN pristupila pregledu i ocjeni ponuda, te je detaljnom analizom dostavljene dokumentacije utvrđeno da je ponuda blagovremeno zaprimljena, da ispunjava uslove tehničke specifikacije i druge uslove propisane Tenderskom dokumentacijom i da je prihvatljiva.

Iz Zapisnika o pregledu i ocjeni ponuda je vidljivo da je za predmetnu nabavku, kao što je i navedeno u Tenderskoj dokumentaciji: 04-1-8-54-4/21 od 19.10.2021. godine i Obavještenju o nabavci broj: 29334-1-3-2-3-1/21 od 19.10.2021. godine predviđeno je provođenje E-aukcije za kvalifikovane ponuđače. S obzirom da je pristigla samo jedna prihvatljiva ponuda, E-aukcija se nije mogla zakazati u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 66/16), nego se postupak okončava u skladu sa članom 69. Zakona.

Shodno navedenom, Komisija za nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu – Građevinski fakultet da se u predmetu nabavke: Građevinski radovi na zgradama vezanim za obrazovanje i istraživanje donese Odluka o dodjeli ugovora ponuđaču KULA MONT d.o.o, Bilimišće br. 101, 72000 Zenica, čija cijena ponude iznosi 19.950,00 KM bez PDV-a, odnosno 23.341,50 KM s PDV-om.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za nabavku i odlučeno je kao u dispozitivu ove Odluke.

PRAVNA POUKA:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi, u skladu s članom 99. i 101. Zakona.

Prilog:

- Zapisnik o pregledu i ocjeni ponuda broj: 04-1-8-54-8/21 od 09.11.2021. godine

Prof. dr Samir Džafarović, dipl. ing. građ.



Dostaviti:

1. Učesnici u postupku i web stranica ugovornog organa
2. Komisija za javne nabavke
3. Služba za računovodstvo i finansije
4. Arhiva